

Schwarz-Schilling pozdravio rješenje Vijeća sigurnosti UN-a u vezi sa decertificiranim policajcima



Visoki predstavnik i specijalni predstavnik EU Christian Schwarz-Schilling pozdravio je danas pismo predsjednika Vijeća sigurnosti UN-a u vezi sa dugogodišnjim pitanjem policajaca u Bosni i Hercegovini kojima 2002.godine Međunarodne policijske snage UN-a (IPTF) nisu dodijelile certifikate.

«Ovo je najbolje moguće rješenje», izjavio je visoki predstavnik i specijalni predstavnik EU.

Pismo koje je uputio predsjednik Vijeća sigurnosti UN-a znači da bivšim policajcima više nije zabranjeno da se prijavljuju za poslove policajaca, pod uslovom da ispunjavaju uslove navedene u pismu Vijeća sigurnosti UN-a, uključujući konkretne osnove i procedure zapošljavanja sadržane u postojećem Zakonu o policijskim službenicima Bosne i Hercegovine.

Od kada je stupio na dužnost visokog predstavnika i specijalnog predstavnika EU, Christian Schwarz-Schilling je iznalaženje rješenja za ovo pitanje odredio kao prioritet. Visoki predstavnik i specijalni predstavnik EU radio je zajedno sa organima vlasti BiH te u dosta navrata skreao pažnju Ujedinjenih naroda na ovo pitanje naglašavajući da Ujedinjeni narodi moraju djelovati u pogledu istog. Pored posjeta koje je obavio visoki predstavnik i specijalni predstavnik EU, timovi Ureda visokog predstavnika i Ureda

specijalnog predstavnika EU su tri puta posjetili New York tokom 2006. i 2007. godine kako bi pomogli da rješenje bude postignuto.

Visoki predstavnik i specijalni predstavnik EU izrazio je zahvalnost Velikoj Britaniji na njenom konstruktivnom angažmanu u cilju razrješenja ovog pitanja pod njenim predsjedavanjem Vijećem sigurnosti UN-a. Visoki predstavnik i specijalni predstavnik EU je isto tako naglasio konstruktivnu ulogu koju su odigrali organi vlasti BiH.

«Ujedinjeni narodi su sada potvrdili da su organi vlasti Bosne i Hercegovine spremni da preuzmu zadatku da osiguraju da policija u ovoj zemlji ispunjava najviše profesionalne standarde», izjavio je visoki predstavnik i specijalni predstavnik EU. «Ovo pitanje sada može biti riješeno na način koji nije u suprotnosti sa obavezama koje Bosna i Hercegovina ima u skladu sa međunarodnim zakonom».

Visoki predstavnik i specijalni predstavnik EU je također konstatirao da je komesar za ljudska prava Vijeća Evrope izrazio svoju podršku ovom rješenju. On je pozdravio pomoć koju je od decembra pružilo Vijeće Evrope i zahvalio komesaru Hammarbergu na značajnim naporima koje je uložio u cilju postizanja rješenja.

I na kraju, visoki predstavnik i specijalni predstavnik EU je pohvalio rad i odlučnost koju su pokazali decertificirani policajci. «Pomogli ste da se pokrenu i vlasti ove zemlje i Ujedinjeni narodi», izjavio je Christian Schwarz-Schilling.

Visoki predstavnik i specijalni predstavnik EU zatražio je od relevantnih organa vlasti BiH da rad na ovom pitanju nastave hitno i u skladu sa smjernicama datim od strane Vijeća sigurnosti UN-a. OHR smatra da Republika Srpska, Distrikt Brčko te Posavski kanton, Hercegovačko-neretvanski kanton, Zapadno-hercegovački kanton i Livno kanton moraju usvojiti zakonske odredbe kojim će se ispoštovati uslovi koje je

postavilo Vijeće sigurnosti UN-a. Državni nivo, Federacija BiH i ostalih šest kantona imaju na snazi Zakone o policijskim službenicima koji ispunjavaju osnove i procedure zapošljavanja koje zahtijeva Vijeće sigurnosti UN-a, ali koji zahtijevaju određena prilagođavanja kako bi se omogućilo zapošljavanje policajaca na upražnjene pozicije.